



外科正宗卷五

海甯許 楣辛木訂

明崇川陳實功著 吳江徐大椿靈胎評

海甯蔣光焞寅昉校

瘰癧類第二十六

夫瘰癧者。有風毒熱毒氣毒之異。又有瘰癧筋癧痰癧之殊。風毒者。外受風寒。伏於經絡。其患先寒後熱。結核浮腫。熱毒者。天時亢熱。暑中三陽。或內食膏粱。厚味。釀結成患。色紅微熱。結核堅腫。氣毒者。四時殺厲。

夕和...卷三
之氣感冒而成。其患耳項胸腋驟成腫塊。令人寒熱頭眩。項強作痛。瘰癧者。累累如貫珠。連接三五枚。此不作寒熱。其患得於誤食蟲蟻鼠殘不潔之物。及宿茶陳水。或內有汗液。其患先小後大。初不覺疼。久方知痛。筋癭者。憂愁思慮。暴怒傷肝。蓋肝主筋。故令筋縮結蓄成核。生於項側筋間。形如棋子。堅硬。大小不一。或陷或凸。久則虛羸。多生寒熱。勞怒則甚。痰癭者。飲食冷熱不調。饑飽喜怒不常。多致脾氣不能傳運。遂成痰結。初起如梅如李。生及徧身。久則微紅。後必

潰破。易於收斂。凡觀此症。分別施治。風毒者。散其風。除其溼。如防風解毒湯之類是也。熱毒者。清其脾瀉其熱。連翹消毒飲之類是也。氣毒者。調其血。和其氣。藿香正氣散之類是也。瘰癧者。散其堅。和其血。散腫潰堅湯之類是也。筋癭者。清其肝。解其鬱。柴胡清肝湯之類是也。痰癭者。豁其痰。行其氣。芩連二陳湯之類是也。又有寡婦尼僧。鰥夫庶妾。志不得發。思不得遂。積想在心。過傷精力。此勞中所得者。往往有之。最爲難治。宜先養心血。次開鬱結。益腎安神。疎肝快膈。

如歸脾湯。益氣養榮湯。俱加香附。青皮。山梔。貝母。木香之類是也。又男人不宜太陽。青筋。潮熱。咳嗽。自汗。盜汗。女人又忌眼內紅絲。經閉。骨蒸。五心煩熱。男婦有此。後必變爲癆瘵。難治之症。體實者。初起可服散。腫潰。堅攻利之藥。得效者。十中三四。有不察虛實。盡劑。追伐。損傷元氣。致成壞病者。十有八九。此非患者之命。自由誤於醫人之手。予常治初起成核。服前藥未效者。用針刺核內。深入三四分。用冰蠶散。撚成條。插入核內。糊紙封上。待至二七後。核子自然落出。隨

用紅黑二膏搽貼。內服補劑。不久便愈。常見有用斑蝥。牽牛。巴霜。大黃等藥。追蝕。多致危亡。切宜戒之。

徐曰。此篇論甚詳備。

又曰。實症結痰。乃可用冰蠶散。此方本治此症之藥也。

楣案實症結痰。用冰蠶散。不若用余所製消核膏。

爲妥。仍須內服子龍丸。

卽控涎丹方見卷二。消核膏方見後。

癰癤看法

初起核高腫痛。色紅軟活。微作寒熱。肩項不強者。順已。

外科正宗卷五
三
成根不堅硬。內無小核叢生。脾健氣血不衰者順。已潰膿稠。肉色紅活。核腫漸消。肩項自便。漸斂者順。潰後易消。易斂。氣體平和。胸膈寬利。飲食知味者順。未成形體。消瘦。寒熱往來。結核頑硬。痰嗽相兼者險。已成核堅。連續如珠。大小不等。項強筋急。脈虛者險。已潰膿水清稀。肌肉消鑠。自汗盜汗。寒熱不睡者逆。潰後陰虛。煩躁作渴。大便泄。小便秘。男子骨蒸。女人經閉。俱逆。

徐曰。看法與別症同。

瘰癧治法

初起腫痛。憎寒壯熱。四肢拘急。項強頭眩者。表散之。腫硬發熱。便利口乾。胸膈不利。惡心脈實者。宜利之。膏粱厚味。醇酒積熱。溼痰凝結而成者。宜化痰降火。清中憂思過度。鬱怒傷肝。筋縮結核者。宜養血開鬱。疎肝。房慾勞傷。陰虛晡熱。自汗咳嗽。形體消瘦者。滋腎健脾。失利亡名。懷抱鬱結。積想在心。所如不得。乖隔陰陽。虛熬歲月而得者。精血俱傷。先養正氣。次治標病。堅而不潰。腐而潰之。潰而不斂。補而斂之。皆活法也。

瘰癧治驗

外科正宗卷五
一男人項核腫痛。拘急惡寒。用荆防敗毒散二劑。表症悉退。餘核不消。用散腫潰。堅湯加川芎香附貝母十餘服。其核漸消。外以琥珀膏貼之。月餘而安。

一男子仲冬渡江。暴冒霧氣。又值驚恐。次日寒熱交作。頭面耳項俱腫。先用藿香正氣散二服。寒熱即止。面腫漸消。惟項間堅腫不退。紅掀作痛。此毒聚必欲作膿。仍用正氣散加芎歸阜刺數服。候膿熟。針之。腫痛頓退。又用十全大補湯。脾健肌生完口。

徐曰。此風痰之毒。只宜內消。亦不必用十全大補

湯

一婦孀居六載。子幼未立。憂鬱成核。已半年。兼經水不調。寒熱交作。形體消瘦。脈亦弦數。此勞傷氣血。肝火妄動而成。所謂損者益之。不可用追蝕之藥。損而復損。先用逍遙散加香附牡丹皮貝母。和其血脈。疎其肝氣。寒熱盡退。次用益氣養榮湯。服至月餘。氣血漸復。經事漸調。元氣漸醒。外用火針。徐曰。不必。核上點破四孔。用黃線藥插入五六次。以上九字。徐勒。候至孔大。換用冰蠶散。搽核上封之。至十三日。外其核自落。外搽玉紅

外科正宗卷五
膏生肌收斂。內服人參養榮湯加香附木香三十餘劑。其口自完。此婦慎起居忘七情。戒口味。盡調理。故可得愈。否則必不能矣。

一室女年十七。因父擇壻未遂。耽至二旬。懷抱鬱久。項生數核。堅硬如石。此肝經凝結筋縮之病也。兼經水斷絕。寒熱如瘧。咳嗽脈數。惟不顧紅。此陰虛火動。已成勞瘵症也。非藥能愈。視其形狀。喜無敗色。余曰。欲治此病。當先治其心。父問曰。何藥治心。余曰。非藥也。易曰。天地絪縕。萬物化醇。男女構精。萬物化生。此天

地男女生成化育之道也。斯病起於孤陰寡陽。不生不化。所謂逆理之病。由於女大失配。是謂當至而不至。漸成失度之候。此句其病不生而自生。故藥不能

挽回。必得陰陽和而雨澤降。此句夫婦和而家道成。

斯時方可用藥。其父始悟。隨即擇嫁。三月後復請余視前症稍定。先用逍遙散加香附青皮山梔丹皮貝母十餘劑。開鬱疎肝。寒熱漸止。次以人參養榮湯加丹皮紅花通其血脈。使心血易生。容顏稍澤。又用益氣養榮湯倍參朮。徐曰培助脾胃。增進飲食。間用歸

脾湯加麥冬五味遠志沙參收斂神氣寬慰性情又製參朮地黃膏服至半年精神頓復經事亦通惟核不能全退用火針點破一核火針點破四字徐勒琥珀膏貼之漸腐為膿又兩月而得收斂尚有三核亦漸針漸潰漸斂首尾純用補脾開鬱藥調理一年始得全愈

徐曰室女患此者嫁後即愈十居五六此人竟能知之奇哉

一男子年近三十項生數核面白神疲皮癩脈數此元氣受傷之症先當補養氣血待根本壯實再治其瘡

隨用養榮健脾藥十餘劑未效彼以為緩徐曰此等人極多

又為方士所惑冀圖內消自服斑蝥巴麝之藥徐曰自取

其死連瀉十數行後致小便淋漓不已更增虛熱飲食

減少又復請視形色已敗辭而不治又請內科強投扶助降火之藥終不應而死

一婦壯年性急夫蕩不為家左項生核半載漸至雞卵

大堅硬如石皮外紅絲纏繞左右脈俱弦數弦屬肝

火妄動數乃脾熱之甚徐曰此本不治之症以後半愈而根不除所以復發即治

得法尚難收功況誤治乎先用梔子清肝湯平伐肝木五服而脈

始平。又用清肝解鬱湯數服。散其鬱結。次用益氣養榮湯。調其氣血。間服散腫潰堅湯。軟其堅腫。外以琥珀膏貼之。調理百日。元氣乃復。堅硬已消八九。只存小核。彼以爲愈。止不服藥。後一載。因夫賭訟未勝。暴急驚恐。前腫復作。兩手脈細而多數。此陰血虧損。陽火乘之。非前有餘症也。又兼胸膈不利。飲食無味。經水先期過多。形容憔悴不澤。此神傷於思慮。則肉脫。意傷於憂愁。則肢廢。魂傷於悲哀。則筋攣。魄傷於喜樂。則皮槁。志傷於暴怒。則腰脊不能俯仰。以上俱七

情內損症也。法當滋養氣血。調和脾胃。益腎清心。開鬱散滯。庶保無虞。彼不肯信。仍欲服散腫潰堅之藥。并灸腫處。以圖內消。余辭不治。彼請客醫。仍服前藥。灸腫處。并灸肘尖。真氣虛而益虛。邪氣實而益實。反加發熱自汗。咳嗽項強。四肢不收。灸瘡無膿。血水不絕。腫亦熾盛。致成臟腑已損之候。又傳爲氣急聲啞。痰血交出而歿。余嘗見病家及庸醫。不辨虛實。妄行用藥。多致不救。所當猛省。

楣案中。間引成語爲文。其實此症無喜樂。

癰癧主治方

防風解毒湯

防風解毒湯荆桔薄荷枳殼芎蒼朮

牛蒡連翹草石膏知母燈心共可消

治風毒癰癧寒暑不調勞傷湊襲多致手足少陽分耳項結腫。或外寒內熱痰凝氣滯者。

防風 荆芥 桔梗 牛蒡子 連翹

甘草 石膏 薄荷 枳殼 實 川芎

蒼朮 知母 各一錢

水二茶鍾燈心二十根煎八分食後服。

徐曰此風痰之方。

連翹消毒飲

連翹消毒飲陳皮梔葛射干花粉等

甘桔元參芩芍歸紅花還與大黃隨

治熱毒癰癧過食炙煇醇酒膏粱以致蘊熱腮項成核。或天行亢熱溼痰作腫不能轉側者。

連翹 陳皮 桔梗 元參 黃芩

赤芍 當歸 山梔 葛根 射干

天花粉 紅花 各一錢 甘草 五分 大黃 初起便燥者加之

水二茶鍾煎八分食後服有痰者加竹筴一錢。

徐曰此方通治之藥。

加味藿香散

加味藿香散甘桔芩芍白芷附朴芎

青陳柴蘇半夏及夏枯草效為君說

治氣毒瘰癧。外受風邪。內傷氣鬱。以致頸項作腫。肩膊強痛。四肢不舒。寒熱如瘧。及胸膈不利。

藿香 甘草 桔梗 青皮 陳皮

柴胡 紫蘇 半夏 白朮 茯苓

白芷 厚朴 川芎 香附 夏枯草

各等分

薑三片。棗二枚。水二茶鍾。煎八分。食遠服。

滋榮散堅湯

滋榮散堅四物湯 陳朮升麻香附貝

甘桔參苓海粉當 紅花昆布共煎嘗

治一切瘰癧。憂抑所傷。氣血不足。形體瘦弱。潮熱咳

嗽。堅硬腫痛。無分新久。但未穿潰者。並效。

川芎 當歸 白芍 生地 陳皮

茯苓 桔梗 白朮 香附 甘草

海粉 貝母 人參 昆布 升麻

紅花 各三分

水二茶鍾。薑三片。棗二枚。煎八分。食遠服。身熱加柴

胡黃芩。自汗盜汗。去升麻。倍人參。黃耆。飲食無味。加

藿香。砂仁。食而不化。加山查。麥芽。胸膈痞悶。加澤瀉

木香。咳嗽痰氣不清。加杏仁。麥冬。口乾作渴。加知母

五味子。睡卧不甯。加黃柏。遠志。棗仁。驚悸健忘。加茯
神。石菖蒲。有汗惡寒。加薄荷。半夏。無汗惡寒。加茅朮。
藿香。女人經事不調。加延胡索。牡丹皮。腹脹不寬。加
厚朴。大腹皮。

徐曰。此等方藥。味雖與瘰癧頗切。然雜亂無章。毫
無主意。凡外科之方。往往如此。皆因習外科之人。
不甚讀書。祇記某藥能治某病。因而湊合。互相傳
習。所以全無法度。學外科者宜知之。

益氣養榮湯

益氣養榮湯。朮者芎芎。桔甘兼熟地。

參苓陳貝附歸宜。勞傷瘰癧大堪施。

治抑鬱。

抑鬱二字。徐勒。

或勞傷氣血。或四肢頸項筋縮。結成

累累如貫珠者。謂之筋癭。此皆由思慮太過。神氣受
傷。乃勞中所得也。其患或軟或硬。或赤或不赤。或痛
或不痛。或日晡發熱。或潰而不斂者。是

人參

茯苓

陳皮

貝母

香附

當歸

川芎

黃耆

熟地

白芍

各一

錢

甘草

桔梗

各五分

白朮

二錢

薑三片。棗二枚。水二茶鍾。煎八分。食遠服。

徐曰。此潰後補劑。其藥亦不外諸味。

如胸膈痞悶。加枳殼木香。飲食不甘。暫加厚朴蒼朮。往來寒熱。加柴胡地骨皮。膿潰作渴。倍參耆歸朮。膿多或清。倍當歸川芎。脇下痛。或痞。加青皮木香。肌肉生遲。加白朮肉桂。痰多加半夏橘紅。口乾。加麥門冬。五味子。發熱。加柴胡黃芩。渴不止。加知母赤小豆。膿不止。倍加人參黃耆當歸。潰後反痛。加熟附子沈香。虛煩不睡者。倍人參熟地遠志棗仁。

芩連二陳湯

芩連二陳湯半夏牛蒡木香兼柑桔

枯草連翹花粉芩消痰散核效如神

治痰癭生於少陽部分項側結核。外皮漫腫。色紅微

熱。或至缺盆高骨上下發腫。形長堅硬作痛。名曰馬刀。初起並宜服此。已成氣弱者不宜。

黃芩

黃連

陳皮

茯苓

半夏

甘草

桔梗

天花粉

牛蒡子

連翹

各一錢

木香

三錢

夏枯草

三錢

薑三片。水二茶鍾。煎八分。食後服。渣再煎。臨睡服。

徐曰。此方重前諸方。

取腫潰堅湯

散腫潰堅芩芍歸知翹連相三棱朮

升柴膽草葛根隨昆桔甘花粉莫遺

治瘰癧馬刀堅硬如石。或在耳下。或至缺盆。或在肩

上。或至脇下。皆手足少陽經症。又發於下頰。或至頰車。堅而不潰。或已破流膿。又屬足陽明症也。此方治有餘之症。效多。不足之症。效少。

黃芩八分 白芍八分 當歸八分 龍膽草 桔梗

知母酒炒 黃柏酒炒 天花粉 昆布各五分 連翹

葛根 炙甘草 黃連 三棱酒炒 莪朮各三分

柴胡四分 升麻三分 水二茶鍾。煎八分。食後服。臨服入酒一小杯。亦效。此藥可為末。煉蜜為丸。桐子大。每服八九丸。即散腫潰。

堅丸治症同前。臨睡食後俱白滾湯下。

徐曰。此方亦重。

升麻散堅湯 升麻散堅湯 甘草 莪朮 三棱 陳桔連

治瘰癧。遶頸。或至頰車。屬足陽明。核深陷。陷隱曲肉底。

又屬足少陰。俱作腫塊。堅硬。大小不一。

升麻 甘草 莪朮 三棱 陳皮

桔梗 黃連 龍膽草 葛根 川芎

白芍 夏枯草 連翹 黃芩 當歸各五分

天花粉有痰加

水二茶鍾煎八分。食後熱服。再用上藥加倍爲末。蜜丸。菜豆大。每百丸。黃酒臨睡服。頭不枕更妙。

徐曰。義重前方。

夏枯草湯

夏枯草湯歸朮陳香附柴胡白芷芎

桔甘生地貝母苓加上紅花效若神

治瘰癧馬刀。不問已潰未潰。或已潰日久成漏。形體消瘦。飲食不甘。寒熱如瘧。漸成勞瘵。並效。

夏枯草 二錢 當歸 三錢

白朮 茯苓

桔梗

陳皮 生地

柴胡 甘草

貝母

香附 白芎 各一錢

白芷 紅花 各三分

先用夏枯草水三碗。煎至二碗。濾清。同藥煎至八分。食後服。將藥渣同前夏枯草渣共再煎六七分。臨卧時入酒半小鍾和服。宜食淡味物件。

徐曰。此亦此症之主劑。

活血化堅湯

活血化堅湯朴芷蠶防桔粉陳皮草

芎歸貝芎角刺是乳香靈脂銀花使

治一切瘰癧。及癭瘤痰核。初起未潰膿者。

防風

赤芎

歸尾

天花粉

金銀花

貝母

川芎

角刺

桔梗

各一錢 僵蠶

厚朴

五靈脂

陳皮

甘草

乳香

白芷稍各五分

水二茶鍾煎八分。臨服用酒一小杯。食後服。

徐曰。義重前方。不必存。

逍遙散

逍遙散當歸芍藥丹皮薄荷甘草木

茯苓香附共柴胡婦女之病效可圖

治婦人血虛。五心煩熱。肢體疼痛。頭目昏重。心忡顫。赤口燥咽乾。發熱盜汗。食少嗜卧。及血熱相搏。月水不調。臍腹作痛。寒熱如瘧。及治室女血弱。榮衛不調。痰嗽潮熱。肌體羸瘦。漸成骨蒸。

當歸

白芍

茯苓

白朮

柴胡

各一

錢

香附八分

丹皮七分

甘草六分

薄荷

黃芩

有熱加各五分

水二茶鍾煎八分。食遠服。有寒加薑三片。棗二枚。

徐曰。此通治疎肝之方。

通治瘰癧方

通治瘰癧方陳朮苓芷藿香夏枯草

柴桔芎歸芩芍翹甘草半夏附功饒

治瘰癧。不分新久。表裏虛實。及諸痰結核。並效。

陳皮

白朮

柴胡

桔梗

川芎

當歸

白芍

連翹

茯苓

香附

醋炒

夏枯草

黃芩

各一錢

藿香

半夏

白芷

甘草 各五分

薑三片。水二茶鍾。煎八分入酒一小杯。臨睡時服。

徐曰。諸方不出此。隨症加減可也。

芎歸養榮湯

芎歸養榮湯者。木
五味。茯苓。神丹。遠志。

參。芍。砂。仁。熟。地。黃
麥冬。甘草。共煎。嘗

治瘰癧流注。及一切不足之症。不作膿。或不潰。或已潰。不斂。或身體發熱。惡寒。肌肉消瘦。飲食少思。睡卧不甯。盜汗。自汗。驚悸。恍惚。

歸身 二錢

人參

黃耆

白朮

川芎

白芍

熟地

各一錢

五味子

麥冬

遠志

甘草

茯苓

各五分

牡丹皮

砂仁

各三分

水二茶鍾。薑三片。棗二枚。煎八分。食遠服。

徐曰。重出。

冰蠅散

冰蠅散內用田螺
龍腦。硃砂。為細末。

白砒。將來紙。麪。糊
總將津。拌患頭。塗

治瘰癧日久。堅核不消。及服煎藥不效者。用此點落。瘰核。如馬刀根。大面小。及失榮等症。忌用。

大田螺

五枚。去殼。日
中線穿。晒乾。

白砒

一錢二分
麪裏煨熟。

冰片

一分

硃砂

二分

用晒乾螺肉切片。同煨熟。白砒碾為細末。加硃片再

碾。小罐密收。凡用時。先用艾炷灸核上七壯。次後灸瘡起。泡以小針挑破。將前藥一二釐津唾調成餅。貼灸頂上。用綿紙以厚糊封貼核上。勿動。七日後。四邊裂縫。再七日。其核自落。換搽玉紅膏。內服補藥。兼助完口。此藥又治癭瘤。患大蒂小。及諸般高突異形難狀者。

徐曰。點去惡肉。亦不可少。但不可輕試。惡毒之肉。乃為合宜。

紫霞膏

紫霞膏品不多。煎入麻油如紫漆。

銅綠松香一處攪。百般頑症貼當安。

治癰癤初起。未成者貼之自消。已成未潰者貼之自潰。已潰核存者貼之自脫。及治諸色頑瘡。癩瘡。溼痰。溼氣。新久棒瘡。疼痛不已者。

明淨松香

淨末一斤

銅綠

淨末二兩

用麻油四兩。銅鍋內先熬至滴水不散。方下松香熬化。次下銅綠。熬至白烟將盡。其膏已成。候片時。傾入瓷罐。用時湯內頓化。旋攤旋貼。

徐曰。方極和平。即干搥膏之祖方也。

又曰。此方單重銅綠一味。方簡而意深。

琥珀膏

琥珀膏內桂防歸
丁木二香草麻子

松脂硃砂木鼈陪
木通白芷共相隨

治瘰癧及腋下初如梅子結腫硬強漸若連珠不消不潰或潰後膿水不絕經久不瘥漸成漏症。

琥珀

一兩

木通

桂心

當歸

白芷

防風

松脂

硃砂

木鼈肉

草麻仁

各五錢

丁香

木香

各二錢

麻油

二斤

黃丹

飛炒十兩

先用琥珀丁香桂心硃砂木香為細末其餘切片浸油內七日入鍋內慢火熬至羣藥焦黃為度絹濾淨油徐下黃丹以柳枝手攪候至膏成滴入水中軟硬

得中撥下鍋來以盆頓穩攪至烟盡方下末藥攪勻。

瓷器盛之臨時取少許攤貼。

大紅膏

大紅膏用竭銀硃
輕粉南星併石礦

硝石樟冰相與俱
乳香貓骨醋調塗

治瘰癧痰核結塊不分新久但未穿破者。

南星

二兩

銀硃

血竭

硝石

樟腦

各三

錢 輕粉

乳香

各二錢

貓頭骨

一具

石灰

一兩

用大

黃二錢切片同炒
石灰紅色去大黃

右共為細末陳米醋熬稠調藥敷核三日一換敷後皮嫩微損者另換紫霞膏貼之其核自消。

楣案銀硃貓頭骨石灰徐圈。

火針法

火針之法獨稱雄燈草桐油相協力

破核消痰立大功當頭一點核無蹤

治瘰癧痰核生於項間。初起堅硬。或如梅李。結聚不散。宜用此法針之。插藥易消。用縫衣大針二條。將竹筋頭劈開。以針雙夾縫內。相離一分許。用線扎定。先將桐油一盞。用燈草六七根。油內排勻點著。將針燒紅。用手指將核捏起。用針當頂刺入四五分。核大者再針數孔亦妙。核內或痰或血。隨即流出。候盡。以膏蓋之。次日針孔必漸作膿。輕者用黃線藥插之。核堅

硬者用冰蠟散糊打成條。晒乾插之。外以糊紙二重封固。次日其核發腫作痛不妨。乃藥氣攻入於內。又至七日外。自然核外裂開大縫。再至七日。其核自落。葱湯洗淨。換用玉紅膏搽入。外以膏蓋。內服益氣養榮湯。或十全大補湯。加香附。兼戒勞動。氣惱房事。發物煎炒海腥等件。

徐曰。強實人方可用。

又曰。此方治獨腳頑癧。或可用。

三品一條槍

三品一條槍最靈加上乳雄為線藥

明礬白信燬成精疔疽癧漏盡堪平

上品錠子去十八種痔。中品錠子去五漏翻花瘻瘤氣核。下品錠子治瘰癧疔瘡發背腦疽等症。此為古之三品錠子。但藥同而分兩不同。故治病有分別。今方名三品一條槍。隨症可用。藥品又簡易而不繁。此句

徐勒凡同志者隨試而用之。此句

明礬二兩 白砒一兩 雄黃二錢 乳香一錢

砒礬二味共為細末。入小罐內。加炭火煅紅。青烟已盡。旋起白烟。約片時。上下紅徹。住火。取罐頓地上。一宿取出。約有砒礬淨末一兩。加入雄黃乳香。共研極

細。厚糊調稠。搓成如線條。陰乾。凡遇前症。有孔者。插入孔內。無孔者。先用針放孔竅。早晚插藥二次。自有孔以下二十二字。徐勒插至三日後。孔大者。每插十餘條。插至七日。孔大者以下。徐勒患孔藥條。滿足方住。以後所患四邊自然裂開大縫。共至十四日前後。其疔核瘰癧痔漏諸管自然落下。隨用湯洗。搽上玉紅膏。虛者兼服健脾之藥。

徐曰此治惡毒頑瘡。間有可用。近日庸醫。不論何瘡。俱用此法。殺人無算。深為可恨。製方之人。原只

用以治不知痛痒之瘡及死肌頑肉。誰知後世惡人竟視為必用之品。不得不歸咎於作俑者也。

楣案徐於此方之上加又。又字字旁又。垂戒深矣。

癩癧酒藥方

治年久癩癧結核。串生滿項。頑硬不穿破者。

日鶴蝨草半 忍冬藤六 野蓬蒿四 野菊花四 五爪龍四

三馬鞭草一兩 五錢

上藥切碎。用醇酒十五觔。將藥袋貯懸於酒內。封好罐口。煮三炷香為度。取起。水頓浸一伏時。初服盡醉。

出汗為效。已後隨便飲之。盡酒一料。病愈不發。

徐曰。此所謂草頭方也。藜藿之人。用之竟有愈者。

若體虛之人。用之竟有大害。甚至於死。余見極多。

所以患病之人。斷不可聽傳聞之方。而輕試也。

楣案癩癧一症。內治固無速效之方。外治亦鮮良

藥。不獨火針三品一條槍不可用。即所開琥珀膏。

內有木鼈茸麻仁大紅膏。有輕粉石灰。皆毒藥。貼

之不能暗消。多致穿潰。全生集外治用化核膏。內

治用控涎丹。全生集易名子龍丸余試其膏。蘊熱重者。或反

至紅腫。蓋內有木鼈壁虎蜘蛛等。亦毒藥也。偶聞人述一名醫言。治疽當加入消痰藥。因悟各種結核。皆有痰氣。遂以控涎丹爲主。加入麻黃一味。煎膏施貼。甚效。故友湯秀嵩又加入數味。二十年來。求者甚衆。初起貼之卽消。年久者可不再大。以貼乳核及各種結核。無不其應。如響。因名爲消核膏。惟已潰者不可貼。宜換用陽和解凝膏。陽和膏已於卷二附錄。今將消核膏錄後。

消核膏

製甘遂 二兩

紅芽大戟 二兩

白芥子 八錢

麻黃 四錢

生南星 一兩六錢

薑半夏 一兩六錢

僵蠶 一兩六錢

藤黃 一兩六錢

朴硝 一兩六錢

右用真麻油一斤。先投甘遂南星半夏。熬枯撈出。次下僵蠶。三下大戟麻黃。四下白芥子。五下藤黃。逐次熬枯。先後撈出。六下朴硝。熬至不爆。用絹將油濾淨。再下鍋熬滾。徐徐投入炒透東丹。隨熬隨攪。下丹之多少。以膏之老嫩爲度。夏宜稍老。冬宜稍嫩。膏成。趁熱傾入水盆中。扯拔數十次。以去火毒。卽可攤貼。宜

厚勿薄。此膏妙在不用毒烈之藥。雖好肉貼之無損。楣案煎膏亦自有法。藥有堅脆。如一同投入。則脆者先枯。其勢欲燃。不得不同撈出。然堅者實未熬透。是銖兩雖多。而藥味反少矣。此方甘遂南星半夏最堅。故先下。僵蠶次之。大戟麻黃又次之。麻黃尤脆。大戟熬至半枯時下。麻黃更妙。白芥子爆油。故又次之。藤黃多液而少渣。故又次之。朴硝無質。故最後下。凡煎他膏亦當如此。又案潰瘍諸膏皆不可太嫩。以貼之即黏。揭之易

落爲度。攤時不可過厚。嫩而過厚。揭時非帶脫皮。內即黏住皮肉。凡尋常熱癰本可無疤。而或生妒肉。或如蟾鏡者。皆膏藥之過也。獨消核膏宜稍嫩。但令貼時勿炸塌而已。攤須極厚。蓋此膏本以代敷藥。嫩而厚。則藥氣沈浸濃郁。而能深入。又皮肉如常。帶脫無慮。黏住可洗也。

又案諸書皆言藥油煎至滴水成珠。方下黃丹。余歷試知其不然。油至滴水成珠。則已過老。攤之如麪筋一般。無復黏性。不能再下黃丹矣。只須熬令

濃黑便可下丹。下丹最要耐性。不可貪多貪快。每次挑入少許。不住手攪。徐徐再加。以老嫩適可爲度。如此熬法。又黑又亮又光。其所以黑之功在久熬。亮之功在多攪。光之功在丹細而藥油濾淨也。滴水成珠四字。卽下丹亦不可泥。大抵膏浮水面。以兩指取丸不沾手。其膏已成。倘一滴便直下水。底成珠。則膏已老矣。

又案瘰癧治法。諸書皆不甚相遠。惟全生集特異。初起小塊皮色不異者。控涎丹每服三分。淡薑湯

送下。日服三次。至消乃止。小孩不能吞丸者。每日

服小金丹一粒。

服法詳卷二小金丹條下

其已潰爛。間有成膿

未潰者。亦有未成膿者。宜服犀黃丸。止其已潰之

痛。鬆其成膿未潰之脹。消其未成膿之核。已成膿

者。兼用咬頭膏穿之。日服溫補祛痰通腠活血壯

氣之劑。外貼陽和解凝膏。其延爛不堪至胸脅者。

一日服洞天救苦丹。兩日服犀黃丸。凡九日。共服

洞天丹三次。犀黃丸六次。皮色變白。孔內紅活。接

服大棗丸。肌肉漸長。用生肌藥收功。其爛潰不堪。

與內腑止隔一膜者。以山蓮散糝之。奇功立見。尚有爛至咽喉者。用量指灸法。因原書敘述欠明白。故不錄。其治驗兩案附錄方後。以備醫者參究。

洞天救苦丹

蜂窠

要露天有子者

雄鼠糞

兩頭尖者是

青皮

棟樹子

立冬後采者佳

右藥瓦上各炙存性。各研細末。稱準等分。研和。每服三錢。陳酒送下。醉蓋取汗。

大棗丸

山羊屎

大棗

右將山羊屎晒乾。入鍋炒炭存性。悶熄。磨粉收藏。遇久爛不堪。將見內腑者。以大棗去皮核。先搗爛如泥。然後酌量入前粉。搗至成丸。每服四錢。仍以黑棗湯送下。

山蓮散

山羊屎

大活鯽魚

一尾

麝香

一錢

右將鯽魚破腹去雜。以山羊屎塞實魚腹。瓦上慢火炙乾。存性研末。加入麝香再研。瓷瓶固貯。勿泄氣。

附錄全生集治驗兩案

楓鎮閔姓年十七。頸患瘰癧。爛成片。延至耳腋及腰。如手掌大者數處。瘦弱成怯。初以洞天救苦丹與服。毒水大流。十日後。以陽和湯醒消丸。每日早晚各服一次。又十日。項能舒轉。飲食日增。接服大棗丸。始終用荆芥湯洗。以山蓮散敷。外貼陽和膏。凡九十日。收功。因未服子龍小金二丸。毒根未除。後腋生惡核。服子龍丸而消。

王姓媳頸患瘰癧數箇。兩腋惡核三箇。又大腿患一毒。不作疼癢。百餘日後。漸大如斗。按之如石。皮現青筋。常作抽痛。經歷數醫。皆謂是瘤。余曰。瘤乃軟者。世無石硬之瘤。此石疽也。問可治否。答曰。初起時皆可消。日久發大。上現筋紋。雖按之如石。然其根下已成膿矣。抽痛卽有膿之證也。上現青筋者。內作黃漿。可治。如上現小塊。高低如石巖者。不治。三百日後。主大痛。不潰而死。如現紅筋者。其內已通血海。不治。倘生斑點。卽自潰之證。潰卽放血。三日內斃。今所現青筋。醫令至軟爲半功。潰後膿漿濃厚。可收全功。乃以活

商陸搗塗。內服陽和湯十日而抽痛止。十三劑裏外作癢。十六劑頂軟。十八劑周圍皆軟。其頸項之癰。癰兩腋之惡核。盡行消散無蹤。止贖石疽。起立則內膿袋下。令服參一錢。再行開刀。因在筋絡之處。先以銀針刺穿。後以刀闊其口。以紙釘塞入孔內。次日兩次流水斗許。遂用大劑補托。千金內托散。刪去人參。倍增生耆。楣案千金內托散用人參生黃耆防風官桂白芷厚朴川芎桔梗生甘草共九味生耆倍增須用一兩。連進十劑。相安已極。適有伊戚亦業外科者。令其耆草皆炙。不三日。四圍發腫。內作疼痛。復延余

治。仍令服前方。耆草不炙。又服二十餘劑。外用陽和膏。隨其根盤貼滿。獨畱患孔。加以布細綁。人問因何用膏貼。又加細綁。答曰。凡屬陰疽。外皮活。內膜生。故開刀傷膜。膜爛則死。所出之膿。在皮裏膜外。中似空。術又不能以生肌藥放入。故內服溫補滋陰活血之劑。外貼活血溫暖膏藥。加以細綁。使其皮膜相連。易於膿盡。且又易於連接生肌耳。果綁後數日。內膿濃厚。前方加參。服兩月收功。

癰癰應用方

玉紅膏

太乙膏

見腫瘍門

柴胡清肝湯

梔子清肝湯

見鬚疽門

荆防敗毒散

見時毒門

十全大補湯

歸脾湯

見潰瘍門

鬚疽論第二十七

夫鬚疽者。乃手少陽三焦相火妄動。又兼腎虧不能生水。或外受風熱所感。但此經多氣少血。肌肉相薄。凡有患最難腐潰。此皆起於情性急暴。房慾血虛火動。肝氣凝結而成。疽之初起。寒熱交作。頭眩痛徹太陽。甚則耳目連鬚通腫。治法不可妄用針灸。此句徐圈批曰何以

亦有此妙談

必分陰陽表裏邪正虛實治之。庶不有誤。且

如初見瘡時。多寒少熱。口乾作渴。好飲熱湯。六脈虛數無力。其患堅硬不掀痛。不潰無膿。瘡根流散。此乃真氣虛而邪氣實也。治以托裏為主。消毒佐之。此二句徐

圈如清肝養血湯托裏消毒散之類是也。又如見症

時熱多寒少。頭眩作痛。口燥舌乾。渴欲飲冷。二便秘

澀。六脈沈實有力。瘡亦掀腫疼痛。身體發熱。易腐易

膿。根腳不開。此乃正氣實而邪氣虛也。

邪氣虛三字徐勒治

以消毒為主。托裏佐之。

此二句徐圈

如梔子清肝湯鼠黏

子湯之類是也。又有未見瘡時。先作渴症。或一年半載。然後發爲鬢疽。其形色多紫黑。瘡多平陷。堅硬無膿。毒流耳項。又兼氣味不正。形容不澤。精神不明。飲食不進者。俱爲不治。

徐曰。邪氣無虛之理。必實字之誤。經云。邪氣盛則實。正氣奪則虛。最爲明曉。

楣案正氣實而邪氣虛。蓋言正氣盛。邪不能勝耳。著書者筆下欠清。遂致辭不達意。

鬢疽看法

初起無口乾。無寒熱。飲食有味。舉止如常者。順。已成瘡頭腫起。根腳不散。形色紅活。掀痛潰膿者。順。已潰膿稠。色鮮紅活。腫消痛止。項便頭輕口和者。順。潰後瘀肉易腐。新肉易生。瘡口易平。飲食有味者。順。初起瘡頭如粟。頂軟不高。色紫根散。木痛食少者。逆。已成瘡形紫黑。軟陷無膿。足冷身涼。便利脈虛者。逆。已潰膿水清稀。氣息臭穢。壞肉不腐。新肉不生者。逆。潰後飲食厭滄。身體發熱。口乾不眠。肉削皮粗者。逆。

徐曰。此亦與諸症同法。

鬢疽治法

初起掀腫堅硬。內熱口乾。脈數有力。邪實也。當利之。已成憎寒壯熱。四肢拘急。脈浮者。邪在表也。宜散之。赤腫作痛。血凝滯也。宜散血清肝。色黯漫腫。宜升陽助胃。已潰堅腫不退。脈細而數。日晡發熱者。宜滋陰健脾。肝膽怒火上攻。心煩作躁。腮顴紅熱者。宜抑陰降火。已潰膿清。腫痛尤甚。虛煩食少者。宜養氣血。健脾胃。潰後氣血俱虛。身涼脈細。大便多溏者。宜峻補溫中。潰後不斂。新肉生遲。瘡口淡白。膿水不止。宜健中補脾。

徐曰。亦與諸瘡同。

鬢疽治驗

一男子患此三日。掀腫寒熱。脈浮數。服荆防敗毒散一劑。表症悉退。腫痛不減。已欲作膿。服托裏消毒散。膿潰。又服益氣養榮湯。加麥冬五味。漸斂而愈。

一男子患此五日。頂高根若錢大。形色紅活。此肝經溼熱爲患。用麻子大艾灸七壯。徐曰。不必灸。服梔子清肝湯。

二劑。腫勢稍止。以蟾酥餅膏貼灸上。更用柴胡清肝湯。加白芷黃耆天花粉數服。膿潰腫消。半月收斂。

徐曰。此極輕之症。

一男子渴疾三年。寒熱半月。自以為瘡。鬢間忽生一小

瘡。三四日外。形如粟。瘡平堅硬。此四字色暗不澤。脈

洪數而無力。此水竭火旺之症。終難潰斂。辭不敢治。

另請他醫。以為易治。用針刺腫處。此五字去紫血鍾

許。內服解毒藥。次日邊傍愈腫。醫謂腫高屬陽。易治。

其家懽悅。又三日。腮項俱腫。此四字口噤不食。用針

又刺腫上。此六字徐又批曰。本是日加昏憤。余曰。死

將及矣。此症未病先作渴。腎水已竭。外形如粟。裏可

容穀。形色紫黑。氣敗血衰。脈洪無力。元氣內敗。如此

豈有不死者。凡二十一日而歿。

一男子腫掀五六日。彼欲內消。外敷涼藥。涼藥內服大

黃泄氣等劑。掀腫雖退。乃生寒熱。惡心乾嘔。肩膊牽

強。診之。脈數無力。此內虛毒氣入裏。涼藥之過也。此

字徐東垣云。瘡疽之發。受之有內外之別。治之有寒

溫之異。受之外者。法當托裏以溫劑。反用寒藥攻利。

損傷脾胃。多致內虛。使外毒乘虛入裏。受之內者。法

當疎利以寒劑。徐曰。瘡癰總不宜寒反用溫劑托裏。

使骨髓之毒外徹皮毛。表裏通潰。共為一瘡。助邪為毒。苦楚百倍。此八字徐密點批曰說得是輕則變重。重則死矣。前

症既出寒藥之過。投以托裏健中湯二服。嘔吐全止。又以十全大補湯加白芷數服。而原瘡漸起。又以人

參養榮湯間服。腐潰膿稠。兩月餘收功。與全生集相發明。楣案徐批瘡癰總不宜寒。清涼疎表之品為安。足

一婦人患此。腫硬掀痛。寒熱口乾。脈洪大有力。此表裏俱實也。投以防風通聖散一劑。便行二次。前症稍退。

又一劑。大行數次。大行二字徐勒熱退渴止。惟原瘡腫硬。用

銀針點破。插入蟾酥條。此五字徐勒內服托裏消毒散。漸

潰膿而安。

楣案徐勒大行二字。蓋表裏俱實。稍泄其裏。以疏

表毒則可。若大行。則慮裏虛而表陷也。前言瘡癰

總不宜寒。意亦如此。

一男子患此三四日。頂高根活。且無表裏之症。此肝經

溼熱為患。用針挑破瘡頂。以蟾酥餅蓋貼。此十二字徐勒批曰

用圍藥束小使出微膿足矣何必用此內服加味逍遙散加阜角針數

劑頭出微膿根腫亦消。

鬢疽主治方

柴胡清肝湯 柴胡清肝芎芎歸 且黃芩梔子地黃隨 防風牛蒡天花粉 甘草連翹用亦宜

治鬢疽初起未成者毋論陰陽表裏俱可服之。

川芎 當歸 白芍 生地 柴胡

黃芩 山梔 天花粉 防風 牛蒡子

連翹 甘草節 各一錢

水二茶鍾煎八分食遠服。

徐曰此鬢疽主方。

楣案柴胡一味徐圈。

鼠黏子湯 鼠黏子湯甘桔歸 赤芍連翹地骨皮 元參木通天花粉 防風大黃不可遺

治鬢疽初起熱多寒少頭眩作痛口燥咽乾渴常飲冷。二便秘澀六脈沈實有力煩悶疼痛者。

鼠黏子 桔梗 當歸 甘草梢 赤芍

連翹 元參 地骨皮 天花粉 防風

木通 各一錢 製大黃 二錢

水二茶鍾煎八分食前服。

徐曰同前。

加味逍遙散

加味逍遙白朮苓
當歸梔貝天花粉

紅花丹芍柴胡陳
甘草羚羊效更神

治鬢疽七日以上根盤深硬色紫掀痛者。

白朮

茯苓

牡丹皮

白芍

柴胡

陳皮

當歸

山梔

天花粉

貝母

各八

分

甘草

紅花

羚羊角

各五分

水二茶鍾。淡竹葉二十片煎八分。食後服。

徐曰亦同前。

楣案羚羊角徐圈。

梔子清肝湯

梔子清肝湯柴芍
黃連甘草丹皮等

牛蒡石膏芎當歸
火盛用之效最奇

治少陽經虛。肝火風熱上攻。遂成鬢疽。痛連頸項胸

乳太陽等處。或寒熱晡甚。胸滿口苦舌乾。

牛蒡子

柴胡

川芎

白芍

石膏

當歸

山梔

丹皮

各一錢

黃芩

黃連

甘草

各五分

水二茶鍾煎八分。食後服。

徐曰。此治火盛者。餘藥俱同前。

清肝解鬱湯

清肝解鬱湯芍歸
人參半夏丹皮附

苓朮梔柴貝母隨
川芎熟地草陳宜

治暴怒傷肝。憂思鬱結。致肝火妄動。發為鬢疽。頭眩

痛徹太陽胸膈痞連兩脇嘔酸水者。

當歸 白芍 茯苓 白朮 貝母

熟地 山梔 各一錢 半夏 人參 柴胡

丹皮 陳皮 香附 川芎 各六分 甘草 四分

水二茶鍾薑三片煎八分食遠服。

徐曰方雜。

參苓內托散 參苓內托散當歸 芎芍陳皮白朮隨 熟地官桂甘山藥 附子耆丹地骨皮

治鬢疽已成堅而不潰潰而不斂氣血俱虛身涼脈細飲食少思口淡無味及形體消瘦者。

歸身 黃耆 川芎 白芍 陳皮

白朮 山藥 熟地 茯苓 人參 各一

錢 甘草 肉桂 熟附子 丹皮

地骨皮 各五分

薑三片棗二枚水二茶鍾煎八分食遠服。

徐曰此治虛寒之症非治瘡乃治本原也亦須備用。

保安萬靈丹 見腫瘍門

治鬢疽初起憎寒壯熱頭眩惡心四肢拘急者。

鬢疽應用方

托裏消毒散 見腫瘍門

荆防敗毒散 見時毒門

蟾酥餅子 見疔瘡門

人參養榮湯

托裏建中湯

益氣養榮湯

十全大補湯 見潰瘍門

防風通聖散 見時毒門

外科正宗卷五終

外科正宗卷六

明崇川陳實功著

吳江徐大椿靈胎評

海甯許 楣辛木訂

海甯蔣光焞寅昉校

咽喉論第二十九

夫咽喉雖屬於肺。然症有虛火實火之分。緊喉慢喉之別。又咽為心肺肝腎呼吸之門。飲食聲音吐納之道。關係一身。害人迅速。故曰走馬看咽喉。不待少頃也。虛火之症。色淡微腫。脈亦細微。小便清白。大便自利。

此因思慮過多。中氣不足。脾氣不能中護。虛火易至。上炎。其患先從咽。嗌乾燥。飲食妨礙。咳吐痰涎。呼吸不利。斑生苔蘚。壘若蝦皮。有如茅草。常刺喉中。又如硬物。噎於咽下。嘔吐酸水。噦出甜涎。甚則舌上白胎。脣生礬色。聲音雌啞。喘急多痰。以上皆是虛火。由元氣不足。中來。不可悞投涼藥。此句徐圈上午痛者屬氣虛。補中益氣湯。此五字徐勒批加麥冬五味子。此二字徐勒批日收斂邪火。牛蒡元參。午後痛者屬陰虛。四物湯加黃柏知母桔梗元參。如不效。必加薑附以爲引導之。

用。此句徐又批曰風火要引亦爲佐治之法也。佐治二字

徐勒實火之症。由於過飲醇酒。縱食膏粱。疊褥重衾。舖

滄辛烈。多致熱積於中。久則火動痰生。發爲咽腫。甚

者風痰上壅。咽門閉塞。少頃湯水不入。聲音不出。此

爲喉閉。卽緊喉風是也。用藥不及事。先用針刺喉間。

此句徐又批發泄毒血。此句徐又批曰隨用雞翎蘸

桐油探吐稠痰。務使痰毒出盡。咽門得鬆。湯藥可入。

語聲得出。乃止。內服清咽利膈湯。疎利餘毒。如牙關

緊閉難入。必當先刺少商穴出血。此句徐圈其閉自

開如針刺探吐無痰。聲如曳鋸。鼻掀痰喘。湯水不入。語聲不出者。真死候也。又有喉癰喉痺乳蛾上腭癰等症。其患雖腫。而咽門半塞半開。其病雖凶。而喉道又寬。又腫。此皆標病。雖重無妨。當用金鎖匙吐出痰涎。利膈湯推動積熱。膿脹痛者。開之。損而痛者。益之。其患自安。凡喉閉不刺血。二字徐入喉風不倒痰。喉癰不放膿。喉痺乳蛾不針烙。二字徐入此皆非法。四字徐勒又有痰火勞嗽。咳傷咽痛者。無法可治。少商穴在手掌外側去爪甲角二分是

徐曰。此篇所論服藥針刺等法。皆殺人之利刃也。

人多祖此施治。十死五六。

又曰。此篇乃殺人秘訣。不知殺過多少。傷哉。

又曰。喉症多端。惟熱氣壅塞。喉腫不通。提痰無效。乃用金針刺出紫血。以洩其火。又喉癰成膿。塞住喉管。當用披針瀉其膿。除此二者。皆不可針。針者十死八九。或有病輕而不死。亦必發作幾次。而後除根。并有變成喉痺。而為弱症者。戒之。戒之。

咽喉看法

初起紅色腫痛。語聲清朗。亦無表裏之症。相兼者輕。已

成腫痛。咽喉半閉半開。咯吐痰涎。飲食稍進者。順。咽喉腫閉。牙關緊急。言語不清。痰壅氣急。聲小者。險。咽喉驟閉。痰涎壅塞。口噤不開。探吐不出。聲喘者。死。時瘡之後。毒結咽間。腫痛腐爛。吐納不堪。聲啞者。重。久嗽痰火。虛陽上攻。咳傷咽痛。但見聲嘶。面紅者。死。

咽喉治法

初起腫痛。寒熱交作。頭眩拘急者。邪在表也。宜發散。初起腫痛發熱。脈有力而便秘者。邪在內也。宜下之。三字批曰。在上在表之邪。禁下。腫痛寒熱。口乾作渴。脈洪大而有力者。宜

發表攻裏。咽喉腫痛。痰涎壅甚。面紅口乾。邪在上也。宜

探吐。此句徐勒批曰。自有喉閉。痰涎壅塞。氣急。口噤難

開。先刺少商。此句徐圈批曰。後行吐法。已成脹痛。咽喉壅塞。湯水

不入。膿已成也。此句徐圈批曰。膿成不瀉。乃宜急針之。

腫痛微紅。脈虛無力。午後痛者。屬陰虛。宜滋陰降火。徐

亦不得用。腫痛色白。咯吐多涎。上午痛者。屬陽虛。宜補

中健脾。

咽喉治驗

一男子咽喉腫痛。發寒體倦。脈弦有力。此邪在表。以荆

防敗毒散加牛蒡元參一劑。表症已退。腫痛未除。又
以元參解毒湯二劑。腫痛減半。又二劑而安。

徐曰。此風火極輕之症。

一男子咽喉腫痛。痰涎壅盛。用金鎖匙先吐稠痰。清咽
利膈湯推蕩積熱。腫痛稍減。惟色紅甚。此火熱也。又
以黃連解毒湯加桔梗二劑。紅腫亦退而安。

一男子素飲火酒。一時咽喉腫閉。口噤舌強。痰涎壅塞。
勢頗危急。用針先刺少商二穴。此八字徐密點口噤方開。以

雞翎蘸桐油探吐稠痰數碗。語聲方出。仍用針刺腫

上。此六字徐勒批。曰不得輕用。

出紫血鍾許。溫湯漱淨。冰硼散搽
之。以涼膈散加芒硝天花粉利去積熱。又服連翹散

二劑而安。

一婦人肥甚。暑熱咽間腫痛。痰涎上壅。語聲不出。甚危。

先用針刺毒血。此六字徐勒次以金鎖匙吐出稠痰五六

碗。服清咽利膈散。腫痛稍減。去硝黃再服而安。

一男子勞甚。咽喉腫痛。自服清咽利膈藥不應。診之脈

細而虛。此勞傷虛火之症。朝以補中益氣湯。此五字徐勒批

日豈可加麥冬五味子。此二味徐勒批。日一桔梗元

參。晚以四物湯加黃柏知母炒黑乾薑。乾薑一味徐勒加童便服之。不數日。腫痛消而咽愈。

一婦人咽痛。微腫色白。吐嚔不利。診之。脈亦細數。此中氣不足。虛火假症也。用理中湯二服。徐曰虛火上炎亦有用之者

其疼頓止。又用補中益氣湯。徐曰與前湯大相反。真是以藥試人加炒

黃柏知母數服。患不復作。

一男子腫痛日甚。服清咽利膈藥不應。必欲作膿。用防

風通聖散去硝黃二服。喉膿脹痛。下針便愈。此八字徐圈批

日有膿可針

咽喉主治方

清咽利膈湯 清咽利膈湯翹芩 甘桔荆防梔薄荷銀

治積熱咽喉腫痛痰涎壅盛及乳蛾喉痺喉癰重舌

木舌。或胸膈不利。煩躁飲冷。大便秘結等症。

連翹 黃芩 甘草 桔梗 荆芥

防風 山梔 薄荷 金銀花 黃連

牛蒡子 元參 各一錢 大黃 朴硝 各二錢

水二鍾煎八分。食遠服。

徐曰。此咽喉主方。但硝黃斷不可輕用。

元參解毒湯 元參解毒湯山梔 甘草黃芩桔梗隨 葛根生地兼荆芥 竹葉燈心加入宜
治咽喉腫痛已經吐下飲食不利及餘腫不消。

元參 山梔 甘草 黃芩 桔梗

葛根 生地 荆芥 各一錢

水二鍾。淡竹葉燈心各二十件煎八分。食後服。

徐曰。前方已有。

連翹散

連翹散內葛根芩 赤芍山梔桔梗升 麥冬牛蒡同甘草 木通加上效如神

治積飲停痰蘊熱膈上以致咽喉腫痛胸膈不利。咳吐痰涎。舌乾口燥。無表裏症相兼者。

連翹 葛根 黃芩 赤芍 山梔

桔梗 升麻 麥冬 牛蒡子 甘草

木通 各八分

水二鍾。竹葉二十片煎八分。食遠服。

徐曰。即前方。

涼膈散

涼膈散中荆芥防 薄荷粉桔連大黃 元參石膏牛蒡子 貝母山梔功效良

治咽喉腫痛痰涎壅甚。膈間有火。大便秘澀。

防風 荆芥 桔梗 山梔 元參

石膏 薄荷 黃連 花粉 牛蒡子

貝母 大黃 各等分

水二鍾煎八分服。

徐曰。此治實火之方。

金鎖匙 金鎖匙中用燄硝 加上礬砂研細末 僵蠶冰片雄黃饒

治喉閉纏喉風痰涎壅塞口噤不開湯水不下。

燄硝 一兩 礬砂 五錢 冰片 一分 白僵蠶 一錢

雄黃 三錢

各研為末和勻以竹筒吹患處痰涎即出如痰雖出

腫痛仍不消急針患處去惡血服前藥。

山淋

徐曰。此糝喉通治之方。但只宜糝。不宜吹。吹則風入喉中。必發噤而更腫。其方亦甚多。不得專恃此一方也。

理中湯 理中湯內藥四般 加上人參水煎服 甘草乾薑白朮攢

治中氣不足虛火上攻。此句 徐圈 以致咽間乾燥作痛吐

嚥妨礙及脾胃不健食少作嘔肚腹陰疼等症。

人參 一錢 甘草 炙八分 乾薑 炒黑五分 白朮 二錢

水二鍾煎八分食遠服。

徐曰。用此方者百不得一。

桐油餞

桐油餞今桐油餞探吐頑痰日照霜

治的喉風如神見回生起死真堪羨

治喉風喉閉其症先兩日胸膈氣急呼吸短促驀然咽喉腫痛手足厥冷氣閉不通頃刻不治先用溫湯半碗加入桐油三四匙攪勻用雞翎蘸油探入喉中連探四五次其痰湧出再探再吐以人甦醒聲高為度後服清咽利膈之藥。

徐曰此治喉間痰塞不能嚥藥之方。

治喉烏龍散

烏龍散只二品藥開關利膈效如神

十八喉風總堪嚼虛火實火要斟酌

用豬牙皂角七條去皮弦為粗末水一鍾煎五分入

人乳三匙冷服即時非吐即瀉治咽喉腫痛痰涎壅盛喉風喉癰乳蛾等症並效惟纏喉風牙關緊閉者不可與恐痰上出而口不開此句徐圈批曰壅塞無路而出故也除此皆效又久病咽痛忌用此句徐圈

徐曰此治風痰之法。

神效吹喉散

神效吹喉散薄荷白礬火硝黃連等

僵蠶青黛朴硝和加上礬砂病自瘥

治纏喉風閉塞及乳蛾喉痺重舌木舌等症。

薄荷

僵蠶

青黛

朴硝

白礬

火硝

黃連

礬砂

各五錢

上藥各為細末。臘月初一日。取雄豬膽七八個。倒出膽汁。用小半和上藥拌勻。復灌膽殼。以線扎頭。膽外用青缸紙包裹。將地掘一坎。闊深一尺。上橫竹筍。懸掛坎中。以板鋪平。用泥密蓋。候至立春日。取出。掛風處陰乾。去膽皮。青紙。瓷罐密收。每藥一兩。加冰片三分。同研極細。吹患處。神效。

徐曰。此方宜合備用。

楣案僵蠶青黛火硝礬砂四味徐圈。

少陰甘桔湯

加味甘桔湯黃芩川芎升麻併葱白

柴胡羌活元參陳少陰喉痛即安甯

治少陰咽痛。頭眩脈沈細而身猶熱者。

桔梗二錢

甘草一錢

陳皮

川芎

黃芩

柴胡

元參各六分

羌活

升麻

各四分

水二鍾。葱白一根。煎八分。不拘時服。

徐曰。此方本仲景而失其旨。

清音噲化丸

清音噲化丸訶子阿膠知母生熟地

天麥歸苓黃柏參烏梅人乳犢牛津

治肺氣受傷。聲音雌啞。或久嗽咳傷聲啞亦宜。

訶子

真阿膠

天冬

鹽水拌炒

知母

各五錢

麥冬

去心

白茯苓

黃柏蜜炙

當歸

生地

熟地

各一

兩 人參三錢 烏梅肉十五枚 人乳 牛乳

梨汁各一碗共熬稠膏

將藥共為細末。和入稠膏。加煉蜜搗成丸。如芡實大。每用一丸。仰卧噙化。日用三丸。如改作小丸。每服一錢。訶子煎湯。或蘿蔔湯送下。亦可取效。

徐曰雜亂。

治暴失音方暴失音方豬板油 再加白蜜兩相投 慢火煎至稠膏住 每日三匙不用憂

雄豬板油一觔。入鍋先煉成油。濾去渣。入白蜜一觔。再煉少頃。絹濾淨。瓷器內冷定成膏。不時挑服一茶

匙。其音漸清。無疾時亦可常服潤肺。

徐曰此潤喉之法。

噙化丸噙化丸用白礬良 礬砂牙皂共雄黃 膽礬棗肉丸成就 吐嚥艱難第一方

治梅核氣。乃痰氣結於喉中。嚥之不下。吐之不出。如毛草常刺作痒。新則吐酸妨礙。久成閉塞。

膽礬 礬砂 明礬 牙皂 雄黃

各等分為末。紅棗煮爛。取肉為丸。如芡實大。空心噙化一丸。溫黃酒一杯過口。內服蘇子降氣湯。

徐曰此藥入口即大吐不止。作此等方者。以意為

之並未自試也。此等極多。

蘇子降氣湯

蘇子降氣湯厚朴官桂一錢甘草半

陳皮半夏共前胡生薑為引效堪圖

治虛陽上攻。氣不升降。致結患咽。嗌痰涎壅塞。

蘇子

一錢五分

厚朴

陳皮

半夏

前胡

官桂

各一錢五分

甘草

五分

水二鍾。薑三片。煎八分。食遠服。

徐曰。此方絕非治咽喉之方。不可用。

冰硼散

冰硼散效實堪誇。元明粉五。硃砂六。

五分。冰片五。硼砂。通治咽喉病。可瘥。

治咽喉口齒新久腫痛。及久嗽痰火咽啞作痛。

冰片

五分

硃砂

六分

元明粉

製法詳末卷

硼砂

各五分

共研極細末。吹搽患處。甚者日搽五六次。最效。

徐曰。此亦通治之方。

咽喉應用方

黃連解毒湯

見疔瘡門

防風通聖散

荆防敗毒散

見時毒門

四物湯

補中益氣湯

見潰瘍門

時毒論第二十九

夫時毒者。天行時氣之病也。春當溫而反寒。夏宜熱而

反涼。秋當涼而反熱。冬宜寒而反溫。此四時不正之氣。感於人而爲疾也。宜分別陰陽表裏寒熱虛實。施治。初起與風寒相類。惟頭面耳項發腫爲真。此九字徐圈其患寒熱交作。體強頭眩。脈浮緊數者。爲邪在表。以荆防敗毒散。或萬靈丹發汗以散之。如兩目鼻面漸次傳腫者。乃正陽明受病。其患掀腫發熱。便秘口乾。多熱少寒。脈數有力。爲邪在裏。五利大黃湯。四順清涼飲下之。又頭角兩耳前後結腫者。乃手少陽經受之。其患耳鳴筋痛。寒熱嘔吐。口苦咽乾。煩躁時甚。當

以知母石膏湯。小柴胡湯和之。通用防風通聖散。加牛蒡元參解毒攻裏。勞役凶荒。沿門闔巷傳染者。普濟消毒飲。藿香正氣散以安之。表裏俱解。腫尙不消。宜砭去惡血。腫熱甚者。如意金黃散敷之。微熱不紅。堅硬者。沖和膏選而用之。自後仍不消者。必欲作膿。宜托裏消毒散。加白芷阜角針托之。已潰體倦食少者。補中益氣湯。膿穢脾虛。食而嘔吐者。香砂六君子湯。潰而不斂者。十全大補湯。又有毒中三陽。自項以上俱發腫者。光如水色。雙目合縫。脣似豬形。口角流

涎腫不消潰。聲音不出。飲食不入。咽喉腫閉。牙關難開。破流臭水。穢氣連綿不絕者。俱爲不治。

徐曰。此乃時行溼毒之氣。發於頭面。世所謂大頭症是也。以其能作膿出毒。故入外科。

時毒看法

初起寒熱交作。頭面一處作腫。紅赤發熱疼痛者。輕。已成高腫發熱疼痛。有時語聲清朗。湯藥易入者。輕。已潰膿稠。堅腫漸消。疼痛漸減。飲食漸進。身溫者。吉。潰後膿水漸止。腫退肌寬。神彩精甯。睡卧安穩者。順。初起多寒。

少熱。頭面耳項俱腫。光如水晶。不熱者。險。已成漫腫。無頭。牙關緊閉。湯水不入。聲音不出者。逆。已潰膿水清稀。氣味敗臭。腫痛不除。如尸發胖者。死。潰後臭水淋漓。腫不知痛。手足多冷。常出謔言者。死。

時毒治法

寒熱交作。頭眩體痛。六脈浮緊。邪在表也。宜汗散之。頭面赤腫作痛。口燥咽乾。大便秘實。邪在裏也。宜下之。外有寒熱。內亦口乾。脈弦有力。表裏俱實。宜發表攻裏。表裏俱解。腫痛仍不消者。乃瘀血凝滯。宜砭去惡血。砭血。

之後腫痛不消者已欲作膿宜托膿健脾腫日甚而脹痛者已有膿急針之更兼補托調理脾胃潰後腫痛不減膿清腥穢脾胃弱也更宜溫中健脾饑年時毒流行傳染者忌用攻發當和解兼養正氣

時毒治驗

一男子耳項腫痛發寒熱脈浮數以荊防敗毒散一劑寒退熱存又以連翹消毒飲一劑便行三次內熱頓退餘腫不消本方去大黃加川芎數劑而愈

徐曰輕症

一男子先發寒熱次日頭面俱腫又二日口噤湯水不入診之脈洪數而有力此表裏俱實也又咽喉妨礙

湯藥難下先用針刺咽間去惡血鍾許

此二句徐又批曰必死不

死者幸耳牙關稍開用防風通聖散一劑徐徐服之便去

三四次腫上砭去惡血以金黃散敷之次日腫勢稍退又用普濟消毒飲二劑面腫漸消惟兩耳下堅腫不退此必作膿又用托裏消毒散數服候膿熟而針之

膿熟二字徐密圈

次用十全大補湯去肉桂加陳皮十餘

劑而斂

一男子牙根腫痛。次傳腮項俱腫。頓生寒熱。此陽明溼熱上攻。用荆防敗毒散加石膏一劑。石膏一味徐勒批曰初起不得

用寒藥寒熱頓退。惟腮腫不消。以針刺牙根腫上。此七字徐

密點批曰出毒血。以冰硼散搽之。外敷真君妙貼散。牙根可針

內服牛蒡子湯。數劑而愈。

一男子冬月耳面赤腫。發熱口乾。脈洪實而便秘。此三

陽蘊熱症也。必捨時從症治之。以五利大黃湯一劑。

便行二次。赤腫稍退。內熱稍疎。又以升麻解毒湯二

服。腫亦消而病愈。

一婦人冬月面腫咽痛。口噤難開。診之脈洪數有力。又

見房中暖氣如蒸。此爐火盛也。用黃連解毒湯加元

參一劑。次日腫消咽利。又服二劑全愈。

徐曰。此偶觸火邪之輕症。

一男子勞甚。鬢間腫硬。肉色不變。余曰。勞傷氣血。溼痰

凝滯之症。與外感時毒不同。又診脈細數而無力。為

內傷損病。治當養氣血。調經脈。理勞續損。彼欲內消。

自服仙方活命飲二劑。腫不見消。脾胃已損。又請一

醫。乃行攻利。復損臟腑。此八字徐勒數日後。飲食不進。便

泄不止。徐曰此必死之症。腫硬愈堅。痰涎愈甚。復請余視之。

余曰。今不可治。凡病有主未。治有權宜。此病初起。肉色不變者。血不足也。堅硬不熱者。脾胃弱也。脈細數而無力。正氣衰也。豈可用前有餘之藥。以攻不足之病。旋又強投溫中補劑。不應而死。

楣案此條當入鬢疽門。

時毒主治方

荆防敗毒散

荆防敗毒散 桔梗 茯苓 枳殼 同甘草

羌獨前柴芎人參 寒甚加葱藥力行

治時毒初起。頭眩惡寒。腮項腫痛。脈浮者。

荆芥 防風 羌活 獨活 前胡

柴胡 川芎 桔梗 茯苓 枳殼 各一

錢 甘草 人參 各五分

薑三片。水二鍾。煎八分。食遠服。寒甚。加葱三枝。

徐曰。此為主方。惟人參不宜輕用。

五利大黃湯 五利大黃湯 黃芩 升麻 梔子 朴硝 評時毒 掀腫 大便秘 實熱用之 卽安甯

治時毒掀腫赤痛。煩渴便秘。脈實有力者。

大黃 煨 黃芩 升麻 各二錢 芒硝 梔子 各一

錢五分

水二鍾煎八分空心服未利者渣再煎服。

徐曰此治陽明熱毒之方大實熱者可用。

連翹消毒飲

連翹消毒飲芎歸黃芩花粉桔梗草

赤芍牛蒡薄荷隨枳殼升麻並用宜

治時毒表裏二症俱罷餘腫不消疼痛不退者。

連翹 川芎

當歸 赤芍

牛蒡子

薄荷

黃芩

花粉

甘草

枳殼

桔梗

各一錢五分 升麻

水二鍾煎八分食後服便燥者加酒製大黃。

徐曰即前方意。

防風通聖散

防風通聖大黃芩桔梗梔翹苓白朮

薄荷芎歸草朴硝荆芥麻黃滑石膏

治時毒發寒發熱煩躁口乾表裏脈症俱實者。

防風

白芍

薄荷

川芎

桔梗

山梔

黃芩

白朮

當歸

連翹

荆芥

麻黃

滑石

石膏

各一錢

甘草

五分

芒硝

一錢五分 大黃

酒炒一錢

水二鍾煎八分空心溫服。

徐曰此乃治表裏俱熱之方所謂兩解法也須審定內外俱熱之症乃可消息試用。

普濟消毒飲

普濟消毒飲芩連柴桔翹藍併馬勃

元草參陳牛蒡攢升麻僵蠶共水煎

治時毒疫癘初覺憎寒發熱肢體沈重次傳頭面作腫或咽喉不利舌乾口燥煩渴不甯者。

黃芩 黃連 各二錢 人參 一錢 陳皮 去白 元參

甘草 柴胡 桔梗 各一錢 連翹

牛蒡子 馬勃 板藍根 升麻 僵蠶

各五分

水二鍾煎八分。食後服。如大便燥加酒煨大黃一錢。或二錢以利為度。腫勢甚者宜砭去惡血。

徐曰。此治陽明熱毒之方。亦治危急咽喉症。

又曰。此方甚雜。當對症選用。

梔案元參牛蒡子馬勃板藍根升麻僵蠶徐圈。王君謂方中升藥太多。用者極宜斟酌。

通氣散 通氣散內用延胡川芎牙皂共為末 羊躑躅花與藜蘆 撚於鼻內嚏沾濡

治時毒掀腫疼痛咽喉不利語言不爽者。

延胡索 一錢五分 川芎 牙皂 各五分 藜蘆 三分

躑躅花 二錢五分

其為細末。用紙撚蘸藥少許于鼻內。取嚏為效。

徐曰備用可也。

托裏消毒散

見腫瘍門

治時毒表裏俱解。腫尚不退。欲作膿者。

牛蒡子湯

牛蒡子湯首葛根貫衆甘草各等分

豆豉須用江西精煎嘗時毒可安甯

治時毒熱甚腫痛脈數而無力者。

葛根

貫衆

甘草

江西豆豉

牛蒡子

半生半熟研各二錢

水二鍾煎八分食後服。

十全大補湯

見潰瘍門

治時毒潰後膿水清稀。形容消瘦。脾胃虛弱。飲食減少。虛熱不睡。自汗盜汗。及不收斂者。

時毒應用方

金黃散

見腫瘍門

黃連解毒湯

見疔瘡門

冰硼散

見咽喉門

升麻解毒湯

見楊梅瘡門

真君妙貼散

見腫瘍門

瘦瘤論第三十

夫人生瘦瘤之症。非陰陽正氣結腫。

此句徐勒批曰不通乃五臟

瘀血濁氣痰滯所成。瘦者陽也。

徐曰瘦瘤二症倒說了此句當作瘤者陽

也。色紅而高突。或蒂小而下垂。瘤者陰也。徐曰此句當作瘦者

也。陰色白而漫腫。徐曰瘤亦有根大平塌肉色不變者亦無癢痛。人所不

覺。薛立齋分別甚詳。肝統筋。怒動肝火。血燥筋攣。曰

筋瘤。心主血。暴急太甚。火旺逼血沸騰。復被外邪所

搏而腫。曰血瘤。脾主肌肉。鬱結傷脾。肌肉消薄。上氣

不行。逆於肉裏而為腫。曰肉瘤。肺主氣。勞傷元氣。腠

理不密。外寒搏而為腫。曰氣瘤。腎主骨。恣慾傷腎。腎

火鬱逼。骨無榮養而為腫。曰骨瘤。余謂筋瘤者。堅而

色紫。纍纍青筋盤曲。甚者結若蚯蚓。治當清肝解鬱。

養血舒筋。清肝蘆薈丸是也。血瘤者。微紫微紅。軟硬

間雜。皮膚隱隱纏若紅絲。擦破血流。禁之不住。治當

養血涼血。抑火滋陰。安斂心神。調和血脈。芩連二母

丸是也。肉瘤者。軟若絲。硬似饅。皮色不變。不緊不寬。

終年只似覆碗然。治當理脾寬中。疎通戊土。開鬱行

痰。調理飲食。加味歸脾丸是也。氣瘤者。軟而不堅。皮

色如故。或消或長。無熱無寒。治當清肺氣。調經脈。理

勞傷。和榮衛。通氣散堅丸是也。骨瘤者。形色紫黑。堅

硬如石。疙瘡高起。推之不移。昂昂堅貼於骨。治當補

腎氣養血行瘀散腫破堅利竅調元腎氣丸是也。此
 瘤之五名。治瘤之五法。徐曰諸瘤皆結聚頑物非服藥所能愈又立齋
 云筋骨呈露曰筋瘦。赤脈交結曰血瘦。皮色不變曰
 肉瘦。隨憂喜消長曰氣瘦。堅硬不可移曰石瘦。此瘦
 之五名也。通治瘦瘤初起。元氣實者。海藻玉壺湯。六
 軍丸。久而元氣虛者。琥珀黑龍丹。十全流氣飲。選服
 自然縮小。消磨切不可輕用針刀掘破。此句徐圈出血不
 止。多致立危。久則膿血崩潰。滲漏不已。終致傷人。又
 一種粉瘤。作紅粉色。多生耳項前後。亦有生於下體

者。全是痰氣凝結而成。宜披針破去脂粉。此句徐以密點
 三品一條槍。插入數次。此句徐勒以淨內膜自愈。又一種
 黑砂瘤。多生臀腿。腫突大小不一。以手攝起。內有黑
 色是也。亦用針刺。內出黑砂有聲。此十字徐密點軟硬不一。
 又一種髮瘤。多生耳後髮下寸許。軟小高突。按之不
 痛。亦針之。粉髮齊出。又一種蛔蟲瘤。生於脇下。又一
 種蛆瘤。連生肩膊。以上數瘤。詳在後治驗中。非謬也。
 予觀古又有虱瘤焉。要皆五臟溼熱邪火濁氣瘀血
 所感而成。非正病也。

瘦瘤看法

初起紅色光亮。微熱微痛。根腳浮淺。不堅實者輕。已成紅赤高腫。作熱掀痛。頂破皮穿。膿潰腫消者輕。已潰膿稠色鮮。根腳縮小。內肉漸生。外皮漸緊者順。潰後氣體平和。飲食如故。腫消痛止。口平收斂者順。初起肉色不變。寒熱漸生。根腳散漫。時或陰痛者險。已成堅硬如石。舉動牽強。咳嗽生痰。皮寒食少者逆。已潰無膿。惟流血水。腫不消。痛不止。脾氣衰弱者逆。破後血水不止。腫硬更增。敗腐不脫。碗氣惡心者死。

瘦瘤治法

初起無表裏之症相兼。但結成形者。宜行散氣血。已成無痛無癢。或軟或硬。色白者。痰聚也。宜行痰順氣。已成色紅。堅硬漸大。微癢微疼者。宜補腎氣。活血散堅。形如茄蒂。瘤大下垂者。用藥點其蒂。茄落生肌收斂。已破流膿不止。瘤仍不消。宜健脾胃為主。佐以化堅。已潰出血不常。瘤口開泛者。宜養血涼血。佐以清肝。潰後瘤腫漸消。脾弱不能收斂者。補腎氣。兼助脾胃。

瘦瘤治驗

一男子臀瘤五年。形如覆瓢。按之隱隱黑色。此黑粉瘤也。以針破之。按出黑砂兼黑粉共約碗許。用三品一條槍插入患內。此九字徐勒批曰亦宜用和平腐藥十餘日。每次捺出黑膜。其瘤漸消。內服十全大補湯。健脾胃。養氣血。月餘而斂。

一男子腮上生瘤半年。形若覆桃。皮色不變。按之微紅。此粉瘤也。針破之。捺去脂粉。插前藥半月而愈。

一義烏兵士肩膊下連生小瘤五枚。三月餘漸發癢異狀。以手捫之。嗡嗡攻動如蝦。余謂此必有異蟲。以針

破其一枚。先出紅水一匙。少頃取出黑嘴粉紅蟲一

條。徐曰奇症形如蛆樣。長六七分。又破一枚亦然。其人漸

覺昏暈。此泄氣之過也。餘瘤停針。服補中益氣湯數劑。用膏蓋已針者。又五六日。病者方健。漸次破之。仍用補藥十餘服而愈。

徐曰。確有此症。乃蟲瘤也。

一婦人及一女子耳後髮際下一寸。各生一瘤。半年餘漸大。用針破之。先出脂粉。後出頭髮數根。徐曰奇症長約二尺餘。齊根剪斷。出血少許。俱用插藥。數日化出內

膜而愈。以此觀之。知有髮瘤也。

一婦人腰間生一肉瘤。三年餘方漸微痛。一日潰後出小蛔三條。長約五寸。置溫湯中。游動半時方息。時病者形體衰弱。面黃肌瘦。朝以八味丸。八味丸 徐勒午用人參養榮湯。人參養榮 湯 徐圜服至百日外。元氣漸醒。又百日其口方收。余意其蛔乃經絡氣血所化。

徐曰。此亦奇症。余見一人有蛔蟲數十條在皮內。各處攻到。以藥敷之。則遞往他處。已愈其半。而此人一去竟不復來。不知其愈否。

一婦人氣衝穴生瘤。紅紫堅硬。乃血瘤也。心肝二脈俱已洪數。此心氣鬱結。肝氣受傷之故。辭以不治。後請京師一醫治之。頭已穿潰。雖強投補托化堅涼血等劑。日潰日爛。終至不應。破經兩月。一日湧出紫血盈許而亡。人問其故。余曰。心脈洪數。心火旺也。肝脈弦數。肝氣傷也。火旺逼血妄行。肝傷不能藏血。破必出血不止。多致危亡。余所以預辭不治也。

徐曰。血瘤破後。往往不治。

又曰。此症用大劑涼血補血之藥。亦有愈者。

瘦瘤主治方

清肝蘆薈丸

清肝蘆薈丸芎芎海粉當歸甘草節

昆布青連阜地黃筋瘤治宜用此方

治惱怒傷肝致肝氣鬱結為瘤。堅硬色紫。纍纍青筋。結若蚯蚓。遇喜則安。遇怒則痛者。

川芎

當歸

白芍

各二兩

生地

酒浸搗膏二兩

青皮

蘆薈

昆布

海粉

甘草節

牙皂

黃連

各五錢

右為末。神麴糊為丸。如梧桐子大。每服八十丸。白滾湯量病上下食前後服之。

徐曰。方亦近理。但恐不能見效。

楣案青皮昆布海粉牙皂徐圈。

芩連二母丸

芩連二母丸芎芎蒲黃生地與骨皮

熟地當歸羚羊角甘草柏葉為丸服

治心火妄動。逼血沸騰。外受寒涼。結為血瘤。微紫微紅。軟硬間雜。皮膚隱隱纏如紅絲。皮破血流。禁之不住者。

黃連

黃芩

知母

貝母

川芎

當歸

白芍

生地

熟地

蒲黃

羚羊角

地骨皮

各等分

甘草

減半

右為末。側柏葉煎湯打寒食麪為丸。如桐子大。每服七十丸。燈心湯送下。或作煎劑服之亦效。

徐曰。血瘤破後。用大補氣血之品。尚恐難效。此等丸藥。那能取效。

順氣歸脾丸 順氣歸脾丸 貝母 烏附者 陳朮 茯神 棗仁 遠志 歸參等 木香 甘草 合歡根

治思慮傷脾。致脾氣鬱結。乃生肉瘤。軟如綿。腫似饅。脾氣虛弱。日久漸大。或微疼。或不疼者。

陳皮 貝母 香附 烏藥 當歸

白朮 茯神 黃耆 酸棗仁 遠志

人參 各一兩 木香 甘草 各三錢

右為末。合歡樹根皮四兩煎湯。煮老米糊。丸如桐子大。每服六十丸。食遠白滾湯送下。

徐曰。肉瘤破。亦非此方所能治。

通氣散堅丸 通氣散堅丸 半夏 陳貝 芎歸 粉草 苓 香附 桔菖 參海 藻 南星 枳實 共 黃芩

治憂鬱傷肺。致氣濁而不清。聚結為瘤。色白不赤。軟而不堅。由陰陽失度。隨喜怒消長者。

陳皮 半夏 茯苓 甘草 石菖蒲

枳實 炒 人參 膽星 花粉 桔梗

川芎

當歸

貝母

香附

海藻

黃芩

酒炒各等分

右為末。荷葉煎湯泛為丸。寒豆大。每服一錢。食遠燈心二十根薑三片泡湯送下。

徐曰。此通治瘤之方。如欲用藥。亦不過如此耳。

調元腎氣丸

調元腎氣丸參地麥冬龍骨香砂柏

山藥丹歸萸澤芩骨皮知母效如神

治房慾勞傷憂恐損腎致腎氣弱而骨無榮養。遂生骨瘤。堅硬如石。形色或紫或不紫。推之不移。堅貼於骨。形體日漸衰瘦。氣血不榮。皮膚枯槁。甚者寒熱交

作。飲食無味。舉動艱辛。腳膝無力。並宜服之。

生地

酒煮搗膏四兩

萸肉

山藥

丹皮

茯苓

各二兩

人參

歸身

澤瀉

麥冬

搗膏

地骨皮

龍骨

各一兩

木香

砂仁

各三錢

黃柏

鹽水炒

知母

童便炒各五錢

右為末。鹿角膠四兩。醇酒化稠。加蜜四兩。同煎。滴水成珠。和藥為丸。如桐子大。每服八十九。空心溫酒送下。忌白蘿蔔。火酒房事。

徐曰。此泛常補陰之方。非治瘤之法也。

海藻玉壺湯

海藻玉壺湯貝陳昆布芎歸連翹青半夏獨活甘草節海帶同煎效有靈

治癭瘤初起或腫或硬或赤或不赤但未破者

海藻 貝母 陳皮 昆布 青皮

川芎 當歸 連翹 半夏 甘草節

獨活 海帶

各一錢五分

水二鍾煎八分量病上下食前後服之凡服此門藥

先斷厚味大葷次宜絕慾虚心為妙

徐曰此亦癭瘤通治之方

活血散癭湯

活血散癭湯芎歸青陳芎半地黃隨參苓昆布丹皮草紅花肉桂木香陪

治癭瘤已成日久漸大無痛無癢氣血虛弱者

白芍 當歸 陳皮 川芎 半夏

熟地 人參 茯苓 丹皮 紅花

昆布 木香 甘草節 青皮

肉桂 各三分

水二鍾煎八分量病上下服再飲酒一小杯

徐曰與前方意重

六軍丸 六軍丸內用蜈蚣全蝎僵蠶蟬蛻同夜明砂與穿山甲諸腫癭瘤可見功

治癭瘤已成未潰者不論年月新久並宜服之

蜈蚣

去頭足

蟬蛻

全蝎

僵蠶

炒去絲

夜明砂

穿山甲

以上等分爲細末。神麴糊爲丸。粟米大。硃砂爲衣。每服三分。食遠酒下。忌大葷煎炒。日漸可消。

徐曰。此治結痰實症。不得槩用。恐誤人。

枯瘤方

枯瘤方用白砒。硃砂等乳香沒藥。

雄黃田螺米粥調黃丹輕粉與斑蝥。

治瘤初起成形未破者。

未破二字徐圈。

及根蒂小而不散者。

不散二字徐圈。

白砒

硃砂

黃丹

輕粉

雄黃

乳香

沒藥

硃砂

各一錢

斑蝥

二十箇

田螺

去殼三枚晒乾切片

其研極細。糯米粥調和。捏作小棊子樣。曝乾。先灸瘤頂三炷。以藥餅貼之。上用黃柏末水調蓋敷藥餅。候十日外。其瘤自然枯落。次用斂口藥。

徐曰。此亦可修合備用。

楣案白砒。硃砂。斑蝥。田螺。徐圈。

又案。蒂小而不散之瘤。有以蛛絲切之者。此本古方。吳廣文元禧言。友人子牙縫生多肉。用此法而

愈是不獨可治瘤也。

秘傳斂瘤膏

秘傳斂瘤膏血竭象皮乳香各等分

輕粉龍骨海螵蛸雞子熬油一處調

治癭瘤枯藥落後用此搽貼自然生肌完口。

血竭

輕粉

龍骨

海螵蛸

象皮

乳香

各一錢

雞蛋

十五枚煮熟用黃熬油一小鍾

以上各為細末共再研和入雞蛋油內攪勻每日早

晚甘草湯洗淨患上雞翎蘸塗膏藥蓋貼。

徐曰此方用處頗多。

琥珀黑龍丹

琥珀黑龍丹海帶海藻木香併京墨

南星血竭五靈脂麝香加上更相宜

治五癭六瘤不論新久但未穿破者。

琥珀

一兩

血竭

二兩

京墨

五靈脂

炒

海帶

海藻

南星

薑汁拌炒各五錢

木香

三錢

麝香

一錢

以上各為細末和勻再研煉蜜丸一錢重金箔為衣。

晒乾密收每用一丸熱酒一杯量病上下食前後化

服如患在下部服後隨用美膳壓之。

徐曰輕症初起者可用。

十全流氣飲

十全流氣飲陳皮木香烏藥芎歸芍

赤茯苓皮香附隨甘草同煎效最奇

治憂鬱傷肝思慮傷脾致脾氣不行逆於肉裏乃生

氣瘦肉瘤。皮色不變。日久漸大者。

陳皮

赤苓

烏藥

川芎

當歸

白芍

各一錢

香附

八分

青皮

六分

甘草

五分

木香

三分

薑三片。棗二枚。水二鍾。煎八分。食遠服。

徐曰。此通治氣鬱之方。

楣案瘤中無粉砂等物。如肉瘤氣瘤血瘤之類。余所製消核膏。初起亦可貼。又秘方用甘遂大戟芫花各四錢。研極細末。白酒調勻。圈在瘤根。畱出其頂。另用生甘草二兩煎膏。圍在前藥之外。初起亦

消。此方與消核膏同意。

瘦瘤應用方

三品一條槍

人參養榮湯

見癰瘰癧門

補中益氣湯

八味丸

十全大補湯

見潰瘍門

寒食麪

註末卷

肺癰論三十二

夫肺癰者。金受火刑之症也。

此句徐圈

蓋肺為五臟華蓋。其

位至高。其質至清。內主乎氣。中主聲音。外司皮毛。又兼主乎貴賤壽夭。金清而氣管深長者。其音自清。其

韻自高。其聲自洪。此三者主壽主貴。亦主通達。如金濁而氣管短細者。其音自焦。其韻自低。其聲自小。此三者主天主賤。亦主蹇滯。故肺金獨旺於秋者。應其輕清之候也。倘有所尅。其病自生。患肺癰者。先因感受風寒。未經發越。停畱肺中。初則毛聳惡風。咳嗽聲重。胸膈隱痛。項強不能轉側。是其真候也。久則鼻流清涕。咳吐膿痰。黃色腥穢。甚則胸脇脹滿。呼吸不利。飲食減少。脈洪自汗。法當清金。甘桔湯主之。麥冬清肺飲調之。麥冬徐又批曰禁用又久嗽勞傷。咳吐痰血。寒熱往

來。形體消削。咯吐瘀膿。聲啞咽痛。其候傳爲肺痿。如

此者。百死一生。治宜知母茯苓湯主之。人參五味子

湯調之。又有七情飢飽勞役損傷脾肺者。麥冬平肺

飲主之。麥冬徐又批曰禁用紫菀茸湯調之。又有房慾勞傷丹

石補藥消鑠腎水者。宜腎氣丸主之。金液戊土丹調

之。又勞力內傷。迎風響叫。外寒侵入。未經解散。致生

肺癰。初起脈浮微數。胸熱氣粗。寒熱往來。咳嗽生痰

者。當以小青龍湯主之。麥冬清肺飲調之。麥冬徐又通用

金鯉湯蠟礬丸太乙膏清金甯肺丸等相間服之。亦

效。如手掌皮粗。六脈洪數。氣急顴紅。汚膿白血。嘔噦
澹水。鼻塌不澆。飲食者。俱爲不治。此症以身涼脈細。
膿血交流。痰色鮮明。飲食知味。膿血漸止者生。反此
則死。

肺癰看法

初起脈浮虛細。身體不熱。咳嗽有痰。呼吸調勻者順。已
成脈浮微數。咳吐膿痰。形色鮮明。語聲清朗者吉。潰後
咯吐膿痰。間吐鮮血。時發時止。飲食知味者順。吐膿漸
漸稀少。胸脇不疼。面色微微帶黃。便調多穢者順。初起

脈洪弦數。身熱多寒。胸疼氣喘。面紅多汗。損壽已成。咯
吐膿痰。氣味澆臭。黃痰如膠黏固。脣反終亡。咯吐再兼
白血。氣急多煩。指甲紫而帶彎。終歸冥路。手掌反如枯
樹。面豔顴紅。咽痛音如鴨聲。鼻掀終死。

肺癰治法

初起風寒相入。頭眩惡寒。咳嗽聲重者。宜解散風邪。汗
出惡風。咳嗽氣急。鼻塞項強。胸膈隱痛。宜解表清肺。日
間多寒。喜覆衣被。夜間發熱多煩。去被宜滋陰養肺。口
乾喘滿。咳嗽身熱。脈弦數者。宜降火抑陰。胸滿喘急。咳

吐膿痰。身熱氣麤。不得安臥。宜平肺排膿。熱退身涼。脈來短澹。精神減少。自汗盜汗。宜補肺健脾。

徐曰。余平日因此證甚多。集唐人以來治肺癰之法。用甘涼之藥以清其火。滋潤之藥以養其血。滑降之藥以清其痰。芳香之藥以通其氣。更以珠黃之藥解其毒。金石之藥填其空。兼數法而行之。屢

試必效。

此條從洄溪醫案采入

肺癰治驗

一義官仲冬時河道督工。不常迎風呼喚。致肺受傷。初

起寒熱交作。咳嗽聲重。氣急生痰。請內科醫治。越治

越重。乃請余視。脈浮而數。面光而澤。此肺癰也。視其

痰。果有膿意。用桔梗湯二服。咳嗽稍止。復用排膿散

四服。其膿漸多。惟胸膈疼痛不減。脈亦帶芤。此胸有

瘀血也。用四順散加紅花牡丹皮二服。吐出紫血碗

許。膈痛漸止。又以金鯉湯兼人參五味子間服。

子徐勒批曰。早用不可。月餘而愈。

一男子久嗽不已。咳吐膿痰。面白神勞。胸中隱痛。脈浮微數。此屬肺氣不足。火尙有餘。用知母茯苓湯數服。

其膿漸少。又以清金甯肺丸服之而愈。
徐曰。未成肺癰。輕劑可愈。

一男子因勞傷咳嗽不止。至夜身熱尤甚。日久咯吐膿血。診之脈弦而數。此虛火假症也。先以童便日飲三四次。又服紫菀茸湯數劑。至夜身熱不發。又兼服金鯉湯。月餘漸瘳。蓋童便能退陰火。嘗治瘡瘍虛熱不退者極效。

一男子鬱鬱不遂。意患嗽半年。時或咳吐膿血。且形體衰弱。飲食減少。脈亦微數。聲漸將雌。惟面不紅。將成

肺痿而尚可治。投以清金二母湯十餘服。咳吐減半。

又以金鯉湯與人參五味子湯兼服。徐曰。如有風火必死。又早飲人乳。晚飲童便。各一鍾。調理百日外而安。

一男子生平好飲。口乾作渴。致肺壅熱成癰。咳吐膿痰。喘滿難卧。用葶藶散二服。而喘定易睡。又以紫菀茸

湯加乾葛花粉十餘服。而膿痰漸少。隨後早以加減

八味丸。此五字徐勒。批曰不切。午用清金甯肺丸服之。兩月而

愈。

一男子五十餘歲。平素寵妾。膏粱無厭。咳嗽發熱。此二字徐

勒吐痰腥臭。手掌枯澀。面隱微紅。痰中帶白血。脈亦
細微而數。此肺癰所忌也。辭不治。他醫許其可生。強
爲用藥。終不應而死。人或問故。余曰。手掌乾澀。血枯
土傷。不能生金也。面色微紅。相火已動。痰有白血。正
肺受傷。脈細而數。真氣虛敗。肺癰犯此。豈有不死。

肺癰主治方

麥冬平肺飲

麥冬平肺飲人參
陳皮甘桔同成劑

赤芍檳榔赤茯苓
肺癰咳嗽可回春

治肺癰初起。四字徐又批曰初起豈可
用此方邪退後或可用之咳嗽氣急。胸
中隱痛。嘔吐膿痰者。

人參

麥冬

赤芍

檳榔

赤苓

陳皮

桔梗

各一錢

甘草

五分

水二鍾。煎八分。食遠服。

元參清肺飲

元參清肺飲柴陳
麥冬骨皮同薏苡

甘桔檳榔參茯苓
生薑童便效如神

治肺癰咳吐膿痰。胸膈脹滿。上氣喘急發熱者。

元參

八分

銀柴胡

陳皮

桔梗

茯苓

地骨皮

麥冬

各一錢

薏苡仁

二錢

人參

甘草

各五分

檳榔

三分

水二鍾。薑一片。

徐日薑不宜

煎八分。臨服入童便一杯。食

後服。

徐曰。此通治之方。然人參麥冬生薑亦不宜輕用。

甯肺桔梗湯

甯肺桔梗湯貝耆
防已百合葶五味

歸蓼枳殼草桑皮
米仁知母地骨皮

治肺癰胸膈隱痛。兩脇腫滿。口燥咽乾。煩悶多渴。自

汗盜汗。眠卧不得。時吐稠痰腥臭者。

桔梗

貝母

當歸

瓜蒌仁

黃耆

枳殼

甘草節

桑皮

防已

百合

米仁

各八分

五味子

甜葶藶

地骨皮

知母

各五分

水二鍾。薑三片。煎八分。不拘時服。咳甚。加百合。身熱。

加柴胡黃芩。大便不利。加蜜炙大黃一錢。小便澀滯。

加燈心木通。煩躁兼血。加白茅根。痛甚。加人參白芷。

徐曰。此亦通治之方。百合五味不可早用。

四順散

四順散內藥有五
甘草杏仁相協力

桔梗紫苑貝母同
肺癰喘嗽建奇功

治肺癰吐膿。五心煩熱。壅悶咳嗽。氣急不能安。

貝母

紫苑

桔梗 各一錢五分

甘草

杏仁 各七分

水二鍾。煎八分。食遠服。或為末。白湯調服。二錢。

清金甯肺丸

清金甯肺貝甘陳銀柴天麥芎連芎

地骨歸苓參桔苓五味白朮地熟生

治肺癰咳嗽日久膿痰不盡身熱虛羸漸成勞瘵者。

陳皮

茯苓

桔梗

貝母

人參

黃芩

各五分

麥冬

地骨皮

銀柴胡

川芎

白芍

胡黃連

各六錢

五味子

天門冬

生地

酒浸搗膏

熟地

搗膏

歸身

白朮

各二兩

甘草

二錢

右為細末。煉蜜為丸。如梧子大。每服七十丸。食遠白

滾湯送下。

徐曰。肺藏之痰。用蜜丸之藥。此不知用藥法度者。

其方亦雜而無紀。

人參五味湯

人參五味湯陳朮桑皮柴前地骨草

者桔歸苓枳地黃肺癰虛乏可煎嘗

治氣血勞傷咳嗽膿或咯血寒熱往來羸瘦困乏一切

虛損之症。

人參

五味子

前胡

陳皮

白朮

桔梗

當歸

茯苓

熟地

甘草

錢

黃耆

地骨皮

桑白皮

枳殼

柴胡

各五分

水二鍾。薑三片。煎八分。食後服。

徐曰。雜亂無紀。後世習外科者。皆無本之學。此種方外科書極多。不足取也。

楣案此方徐又

紫菀茸湯

紫菀茸湯參犀角杏仁百合與阿膠

冬花桑葉草半夏貝母蒲黃薑共下

治膏粱厚味。或煎炒法酒。飲食過度。致傷肺氣。咳嗽咽乾。吐痰唾血。喘急脇痛。不得安卧。

紫菀茸

犀角

炙甘草

人參

各五分

桑葉

用經

霜者

款冬花

百合

杏仁

阿膠

貝母

半夏

蒲黃

生各七分

水二鍾。薑三片。煎八分。入犀角末。食後服。

徐曰。咳血多而傷肺者。此方為宜。血症中亦可採用。

楣案紫菀茸桑葉款冬花蒲黃徐圈。

排膿散

排膿散內用黃耆每服三錢蜜調下

白芷人參五味宜肺癰痰吐效神奇

治肺癰已吐膿後。宜服此排膿穢補肺氣。

黃耆

白芷

五味子

人參

各等分

右為細末。每服三錢。食後蜜湯調服。

徐曰。太斂。

知母茯苓湯

知母茯苓湯桔苓
柴半冬花芎白朮

薄荷五味草人參
阿膠麥冬補肺經

治肺痿喘嗽。咳吐痰涎。或自汗盜汗。往來寒熱。

茯苓

黃芩

各一錢

知母

甘草

桔梗

薄荷

人參

五味子

柴胡

半夏

川芎

款冬花

白朮

阿膠

麥冬

分

水二鍾。薑三片。煎八分。加童便一杯。食後溫服。

徐曰。太雜不成方。

滌痰湯

滌痰湯內二陳先
人參桔梗與黃連

麥冬枳實膽星煎
竹筍加上病安痊

治心火剋肺金。久而不愈。傳為肺痿。咽噎雌啞。胸膈

痞悶。嘔吐痰涎。喘急難卧者。

陳皮

半夏

茯苓

甘草

麥冬

膽星

枳實

黃連

人參

桔梗

分

竹筍

一錢

水二鍾。煎八分。食後服。

甯肺丸

甯肺丸中二般藥
每服二錢功最效

烏梅粟殼去筋膜
肺癰肺痿同堪嚼

治久嗽咯吐膿血。胸膈不利。咳嗽痰盛。坐卧不安。言

語不出。甚則聲音雌啞者。

烏梅 蜜拌蒸取肉 鷲粟殼 去膜蜜拌炒

徐曰此等方非試過不得輕用。

清金二母湯 清金二母湯 芩桔 知骨蘇柴朮杏苓 瓜桑五味陳皮麥 甘草當歸效共呈

治肺痿多嗽少痰午後發熱口乾煩躁不甯者。

知母 貝母 桔梗 茯苓 當歸

白朮 陳皮 各一錢 桑皮 紫蘇 杏仁

柴胡 瓜蒌仁 黃芩 五味子 甘草

麥冬 各五分

水二鍾煎八分入童便一杯食後服。

徐曰太雜。

梔子仁湯 梔子仁湯 大青葉 石膏淡豉共黃芩 杏仁知母赤芍藥 升麻柴胡甘草行

治肺痿發熱潮熱或發狂亂煩躁面赤咽痛者。

梔子仁 赤芍 大青葉 知母 各七分 黃芩

石膏 杏仁 升麻 各一錢五分 柴胡 六分

甘草 五分 淡豆豉 百粒

水二鍾煎八分食遠服。

徐曰此大寒之劑必見熱毒症乃可酌用。

加味理中湯 加味理中湯 半夏 茯苓白朮共陳皮 乾薑細辛併甘草 人參五味效同催

治肺胃俱虛咳嗽聲重發熱不已及兼脈浮數而無力者。

炙甘草八分半夏壹兩茯苓乾薑炮白朮

陳皮各五細辛各五五味子各五人參各五

水二鍾煎八分食遠服。

徐曰此等方非治肺癰乃治患肺癰之時另見純

寒欲脫之症耳。

金鯉湯

金鯉湯方破魚腹惟將貝母糝之宜再加童便重湯頓服盡此魚病可醫

治肺癰已成未成胸中隱痛咯吐膿血者。

金色活鯉魚一尾約四兩重貝母一錢

先將鯉魚連鱗剖去肚腸勿經水氣用貝母細末糝在魚腹內線扎之用上白童子小便半大碗將魚浸童便內重湯頓煮魚眼突出為度少頃取起去鱗骨取淨魚肉浸入童便內頓熱肉與童便作二三次一日食盡其功效甚捷。

徐曰此單方也。

葶藶散

葶藶散中葶苈仁甘草桑皮同葛根瓜蒌升麻桔梗等肺癰服下可回春

治過食炙燔或飲酒過度致肺熱氣壅喘急不卧及

肺癰濁吐腥臭。胸膈脹滿不食者。

桔梗 瓜萇仁 升麻 米仁 桑皮

葛根 各一錢 炙甘草 五分 甜葶藶 八分

徐曰。此清肺之方。亦不治肺癰。

腎氣丸

腎氣丸中澤瀉蒸丹皮熟地同春爛

茱萸山藥白雲苓丸服忻然心腎甯

治腎氣素虛不交於心。津液不降。敗濁為痰。致生欬逆。

乾山藥

四兩

山茱萸

去核四兩酒拌

澤瀉

蒸

牡丹皮

白者佳

白茯苓

各三兩

熟地

用生者八兩酒拌砂器蒸半日搗膏

右為末。地黃煮爛杵膏。蜜丸如桐子大。每服七八十丸。空心用滾湯或鹽湯溫酒送下。

徐曰。有附桂者。名腎氣丸。此名六味地黃丸。

又曰。此緩治之法。亦不甚切。

楣案全生集治肺疽法。似較有把握。大略謂此症吐膿多白。當稱肺疽。初起有兩腳骨疼痛者。或腳骨不痛。而舌下生如細豆一粒者。再心口之上微痛。咳嗽口乾咽燥。此皆肺中生毒之兆。即用生甘草桔梗各三錢煎服。如覺稍安。肺疽無疑。投以犀

黃丸十服可全愈。此是預識預治百無一死之法。世人但見腳痛便去醫腳。見嗽醫嗽。舌生細粒。便用刀刺。凡肺毒輕者粒色必淡。毒愈亦消。重者色必紫黑。刀刺立危。惟犀黃丸治無不效。貧人無力服犀黃丸。以陳年醃芥菜滷。每晨取半杯。用滾豆腐漿和服。服後胸中定有一塊塞上塞下塞至數次。方能連吐惡膿。日服至愈乃止。凡患此症者終身戒食鴨蛋白。鯨紅蘿蔔。石首魚。著甲魚。食則復發難生。服醃芥菜滷法亦見他書乃古方也。

肺癰應用方

金液戊土丹

見脫疽門

徐曰。千金葦莖湯為肺癰主方。此反遺之。何也。今附錄於後。

千金葦莖湯

治欬有微熱。煩滿。胸中甲錯。此六字徐圈是為肺癰。

葦莖

二升

薏苡仁

半升

桃仁

五十枚

瓜瓣

半升

右四味以水一斗。先煮葦莖得五升。去渣納諸藥。煮取二升。服一升。再服。當吐如膿。

漆疽二十日服一升再服當出膿

本四期以水一斗去漆毒盡時正長去毒麻黃藥

若發二三日發背十日淋十日及癰

當發背效熱而前胸中甲從

千金華蓋散

用藥分道

翁曰千金華蓋散治癰疽疔毒之可安令

金華丸

外科正宗卷六終

